

KERATAN AKHBAR-AKHBAR TEMPATAN
TARIKH: 20 JUN 2014 (JUMAAT)

| Bil | Tajuk | Akhbar |
|------------|---|----------------|
| 1 | TPM nafi khabar angin letak jawatan | Berita Harian |
| 2 | TPM sangkal letak jawatan | Kosmo |
| 3 | Isu penentuan agama anak perlu adil dan saksama - Muhyiddin | Bernamea.com |
| 4 | Ministries finalise details on Board of Technologies | The Malay Mail |
| 5 | Kementerian Kerja Raya dan MOSTI bincang penubuhan MBOT | Bernamea.com |
| 6 | KL and Selangor spared from haze for now | The Malay Mail |
| 7 | Boat tragedy No.2 | The Sun |
| 8 | Gempa kuat melanda Kepulauan Vanuatu | Bernamea.com |
| 9 | Hands-on science | The Star |
| 10 | Jutawan ubat racun | Harian Metro |

KERATAN AKHBAR
BERITA HARIAN (NASIONAL): MUKA SURAT 4
TARIKH: 20 JUN 2014 (JUMAAT)



Muhyiddin menerima lukisan daripada Presiden Akademi Sains Malaysia (ASM), Tan Sri Dr Ahmad Tajuddin Ali selepas menutup Persidangan Antarabangsa Majlis Sains Asia Ke-14, di Kuala Lumpur, semalam. [FOTO MOHD YUSNI ARIFFIN/BH]

TPM nafi khabar angin letak jawatan

» Kedudukan tidak pernah dibincang, dibangkitkan

Oleh Haika Khazi
mfaizul@bh.com.my

► Kuala Lumpur

Tan Sri Muhyiddin Yassin semalam menafikan khabar angin kononnya beliau akan meletak jawatan sebagai Timbalan Perdana Menteri dalam masa terdekat, bagi memberi sepenuh per-

hatian kepada UMNO.

Muhyiddin berkata, beliau akan terus memberikan perkhidmatan dan memegang jawatan nombor dua itu selagi khidmatnya diperlukan Perdana Menteri, Datuk Seri Najib Razak.

Rombakan hak PM

“Rombakan Kabinet kemungkinan ada kerana itu adalah hak Perdana Menteri dan beliau sudah menyatakan akan membawa masuk beberapa pemimpin politik dari MCA dan GERAKAN dalam Kabinetnya.

“Apa pun dari segi kedudukan saya terserah kepada beliau (Najib). Bagaimanapun,

selama berada dalam Kabinet, biasanya saya akan berbincang terlebih dahulu dengan Perdana Menteri sebelum membuat sebarang keputusan.

“Setakat hari ini (semalam) soal kedudukan saya selaku Timbalan Perdana Menteri tidak pernah dibincang atau dibangkitkan,” katanya pada sidang media selepas menutup Persidangan Antarabangsa Majlis Sains Asia Ke-14, di sini, semalam.

Beliau berkata demikian ketika mengulas khabar angin bertiup kencang di laman blog dan media sosial kononnya beliau akan meletak jawatan dalam masa terdekat dan tem-

“
Setakat hari ini (semalam) soal kedudukan saya selaku Timbalan Perdana Menteri tidak pernah dibincang atau dibangkitkan”

Muhyiddin Yassin,
Timbalan Perdana Menteri

patnya bakal digantikan oleh Menteri Pertahanan, Datuk Seri Hishammuddin Hussein yang juga Naib Presiden UMNO.

Muhyiddin berkata, beliau tidak menolak kemungkinan khabar angin itu sengaja disebarkan pihak tertentu yang tidak senang melihat hubungan baiknya dengan kerajaan terutama Perdana Menteri.

Beliau juga tidak menolak kemungkinan tindakan itu dilakukan oleh pihak tertentu kerana mereka kurang berpuas hati melihat sokongan rakyat terhadap kerajaan Barisan Nasional (BN) pimpinan Najib kini semakin meningkat selepas pilihan raya umum lalu.

“Soal kedudukan saya terserah kepada beliau (Perdana Menteri), tapi selama masa saya berada dalam Kabinet, beliau dah biasa berbincang dengan saya. Kalau ada apa-apa berkaitan masa depan saya pun, saya akan bincang dengan Perdana Menteri dari hati ke hati,” katanya.

Dalam pada itu, Muhyiddin mengingatkan semua pihak mengenai kepentingan kestabilan parti dan kerajaan yang akan menjurus kepada kestabilan negara.

TPM sangkal letak jawatan



MUHYIDDIN (dua dari kanan) bersalaman dengan Tajuddin (kanan) pada majlis penutup Persidangan Antarabangsa Majlis Sains Asia Ke-14 di Kuala Lumpur semalam.

TPM sangkal letak jawatan

Oleh MAHFUZ MOHAMAD
mahfuz.mohamad@kosmo.com.my

KUALA LUMPUR - Timbalan Perdana Menteri, Tan Sri Muhyiddin Yassin menyangkal dakwaan laporan sebuah laman blog menyatakan beliau akan meletakkan jawatan dan akan memupuk sepenuh perhatian kepada UMNO berikutan rombakan kabinet yang akan dilakukan Perdana Menteri, Datuk Seri Najib Tun Razak dalam masa terdekat.

Menurut beliau, dakwaan seperti itu merupakan usaha pihak tertentu yang tidak senang hati melihat hubungan baik beliau dalam kerajaan dan parti, terutamanya dengan Perdana

Menteri sendiri.

Katanya, kedudukan kerajaan yang semakin kukuh, ditambah dengan sokongan rakyat yang bertambah padu selepas Pilihan Raya Kecil (PRK) Parlimen Teluk Intan 31 Mei lalu menjadi penyebab tersebarinya khabar angin tersebut.

"Isu rombakan Kabinet adalah hak Perdana Menteri yang mungkin akan dilakukan kerana beliau telah pun menyatakan akan membawa masuk beberapa pemimpin daripada MCA dan Gerakan.

"Selama berada dalam Kabinet, beliau (Perdana Menteri) biasa berbincang dengan saya, jadi setakat hari ini, tidak ada yang dibangkitkan mengenai kedudukan saya," katanya.

Muhyiddin yang juga Timbalan Presiden UMNO berkata, khabar angin itu sengaja disebarkan bagi menimbulkan spekulasi antara beliau dengan individu tertentu dalam Barisan Nasional.

"Saya yakin ahli-ahli parti tidak akan mudah terpengaruh dengan khabar angin ini" katanya selepas majlis penutup Persidangan Antarabangsa Majlis Sains Asia Ke-14 di sini semalam.

Turut hadir Timbalan Menteri Sains, Teknologi dan Inovasi, Datuk Dr. Abu Bakar Mohamad Diah; Presiden Majlis Sains Asia, Profesor Emeritus Dr. Mohd. Nordin Hasan dan Presiden Akademi Sains Malaysia, Tan Sri Dr. Ahmad Tajuddin Ali.



Isu Penentuan Agama Anak Perlu Adil Dan Saksama - Muhyiddin

KUALA LUMPUR, 19 Jun (Bernama) -- Pendekatan yang adil dan saksama harus menjadi keutamaan dalam setiap perbincangan melibatkan hal penentuan agama seseorang anak, kata Timbalan Perdana Menteri Tan Sri Muhyiddin Yassin.

Namun, katanya ia harus bersandarkan kepada Perlembagaan negara.

"Sebab di Malaysia kita mempunyai pelbagai kumpulan masyarakat, agama... (jadi) ada beberapa perkara yang perlu kita ambil supaya tidak menimbulkan masalah dan kekeliruan.

"Apa pun perkaranya, mesti ada pendekatan yang boleh diterima baik oleh semua pihak," katanya kepada pemberita selepas menutup Persidangan Antarabangsa Majlis Sains Asia Ke-14 di sini, pada Khamis.

Beliau diminta mengulas kenyataan Menteri di Jabatan Perdana Menteri Datuk Seri Jamil Khir Baharom di Parlimen semalam bahawa Perlembagaan Persekutuan membenarkan agama seorang anak di bawah umur 18 tahun ditentukan oleh ibu atau bapa masing-masing.

Jamil Khir berkata kerajaan juga tidak bercadang untuk meminda peruntukan mengikut Perkara 12(4) Perlembagaan Persekutuan itu.

Mengulas titah Sultan Selangor Sultan Sharafuddin Idris Shah hari ini bahawa Jabatan Agama Islam Selangor (JAIS) perlu merujuk kepada pendakwa raya sama ada perlu memulangkan atau melupuskan kitab Bible yang dirampas daripada Persatuan Bible Malaysia, Muhyiddin berkata titah itu haruslah dipatuhi.

"Itu titah Sultan dan mengikut undang-undang, enakmen dan juga kuasa agama di bawah negeri, Sultan adalah punca kuasa.

"Jadi, apapun titah dan nasihat Sultan di Selangor, pihak bertanggungjawab sama ada Menteri Besar atau Majlis Agama Islam Selangor harus patuhi," katanya.

Mengenai Persidangan Antarabangsa Majlis Sains Asia itu, Muhyiddin berkata kerjasama antara ahli-ahli sains dan kerajaan penting dalam memastikan pembangunan negara yang mampan.

Selepas banyak modal dibelanjakan dalam usaha itu, katanya tumpuan utama kini perlu diberi kepada aspek keberkesanan setiap program yang telah dijalankan.

